

Baibuli y'abaana bato
N'ekuhikyaho



Noha
n'okusandara
kw'amaizi



Ekahandiikwa: Edward Hughes

Ebisisani bya: Byron Unger; Lazarus
Alastair Paterson

Ekatekanizibwa: M. Maillot; Tammy S.

Ekahindurwa: Rev. Canon. Samuel Mwesigwa

Ekaturukibwa: Bible for Children
www.M1914.org

©2020 Bible for Children, Inc.

Orusa: Oyina obugabe kukoporra rundi kuhandikisa oruganikyo
runu kakuba oba otarutunde.



Noha akaba ali muntu
ayaramyaga Ruhanga.
Abandi boona bakaba
banobere kandi bajeemiire
Ruhanga. Kiro kimu Ruhanga
akagambira Noha ekintu

ekirukutiinisa
ati:

"Ndahwerekereza
ensi enu ey'ekibi.

Eka yaawe
yonka niyo
erijunwa."



Ruhanga akamanyisa Noha ngu halibaho okusandara kw'amaizi agalisweka ensi yoona. "Yombeka obwato, oburukuhikwamu eka yaawe n'ebisoro." Eki Ruhanga nikyo yamuragiire, nawe yatandikiraho kukora.





Noha akagumizamu
naayombeka obwato
naagambira
abantu
ebya
Ruhanga

baitu
bakamugaya,
batamwikirize.




Noha akaba aina
okwikiriza kwingi.
Akaikiriza Ruhanga
enjura noobu ekaba
etakagwaga etyo.
Yamalirra kukora
obwato.



Hahika akasumi k'ebisoro kutaahamu. Ruhanga
yatahyamu musanju musanju ha bika bimu,
n'ebindi bibiri bibiri.



Ebinyonyi ebitaito n'ebikooto, ebisoro ebikooto
n'ebitaito nabyo byataaha omu bwato.




Manyaki nikisoboka
abantu abamu
kubasekereize
Noha obwakaba
natahya ebisoro
omu bwato.



Bataleke kuisira
Ruhanga. Batateho
mutima n'okutaha
omu bwato.



Hanyuma ebisoro n'ebinyonyi
byona bikataha omubwato.




Ruhanga
akaragira
Noha n'ab,
ekaye kutaha
omu bwato. Uwe,
mukaziwe, abaanabe
basatu n'abakazi babo
bataahamu. Hanyuma
Ruhanga yakingaho orwigi!



Hanyuma enjura
yatandika kugwa. Enjura
y'amaani ekagwa hansi
kumara ebiro makumi
ana, nyamusana
n'ekiro.





Amaizi
gakasweka
embuga n'ebyaaro.
Enjura obuyakiire
n'ensozi zikaba ziswekerwe
amaizi. Buli kintu kyona
ekyaikyaga orwoya kikafa.



Amaizi obugakanyire,
obwato bwaseyeya haiguru.
Omu bwaato hasobora kuba
habairemu omwirima, obundi
n'okwecudacuda rundi
ebirukutiniisa. Eryato
likajuna Noha okusandara
kw'amaizi.



Obu hahoireho ameezi ataano
amaizi gasandaire, Ruhanga akasindika
omuyaga gwatandika kwomesa amaizi
mporampora, obwato bwa yemerra
harusozi eruguru orwa
Ararati.



Noha akongera yamaramu ebiro
makumi ana (40) amaizi gaakeha.



Noha yasindika ekingora n'eriiba aheru y'eryaato yabirabya omwidirisa. Bitasangeyo ekikaro ekirungi ekyomere, eky'okuhumurramu, eriiba lyagaruka hali Noha.





Hanyuma
y'ebiro musanju, Noha
yayongera yalengaho.
Eriiba lyagaruka n'ibabi
ly'omuti omukanwa kalyo.
Omu wiiki eyayongireho Noha
yamanya ensi eyomere
habw'okuba eriiba
litagaruke.




Ruhanga yagambira Noha nkoku akasumi
kokuruga omu bwaato kahikire. Noha
nabeeka ye baiha ebisoro omu
bwaato.




Noha
akasemererwa
muno! Yayombeka
ekyooto yaramya
Ruhanga
ayamujunire hamu
n'eka ye omu
kusandara
kw'amaizi.





Ruhanga
akaraganiza
Noha, kutongera
kusindika amaizi
habw'okufubira
omuntu habw'ebibi bye.

Ruhanga akataho
akokurorraho
k'omuhangaizima
kumanyisa
ekiragaano kye.



Hanyuma
yokusandara
kw'amaizi Noha n'eka ye
bakatandiika buhyaka. Omu
kasumi kataito abantu
bayongera bakanya omu
nsi yoona.



Amahanga
goona ag'omunsi
gakazarwa Noha
nabanabe.



Noha n'okusandara kw'amaizi

Oruganikyo kuruga mu Baibuli,
Ekigambo kya Ruhanga

Nirusangwa omu

Okubanza 6-10

"Ekigambo kyawe kituleetera okuhweza."
Zabbuli 119:130



Kumalirra



Oruganikyo runu kuruga omu Baibuli nirutumanyisa nkoku Ruhanga waitu ahuniriza kandi agonza tumumanye.

Ruhanga amanyire nkoku twakozire ebintu ebibi, by'ayeta ekibi. Ekifubiro ky'ekibi kufa. Baitu Ruhanga akugonza muno, nikyo yasindikiire Omwana we, Yesu, okukufeera ha musaraba, abonesibwe ha bw'ebibi byawe. Hanyuma Yesu yahumbuuka kandi yagarukayo omuka omw'iguru. Bw'oikiriza omuli Yesu kandi akamusaba akuganyire ebibi byawe, aija kukikora. Aija kwija aikare omuri iwe, kandi naiwe oikarege nawe obwire bwona.

Bw'oraba noikiriza ngu kinu kihikire, gambira Ruhanga oti: Omugozebwa, ninyikiriza ngu oli Ruhanga, kandi okafooka muntu, nukwo ofe habw'ebibi byange, kandi okahumbuuka hati oyomiire. Nkusaba oije omu bwomeezi bwange, onganyire ebibi byange, nsobore kuba n'obwomeezi obuhyaaka, kandi kiro kimu nyije nyikare naiwe ebiro n'ebiro. Nkonyera nkwikirize kandi nkuhurrege nyomeere habwa we ndi mwaana waawe. Amiina.

Osomege Baibuli obazege na Ruhanga buli kiro. Yohaana 3:16

